

INUIT ATAQATIGIIT

Inatsisartuni



UPA 2019/54
14. maj 2019
Stine Egede

Ulloq 1. juuli 2020 aallarnerfigalugu ATV-nut qamuterallannullu akitsuutit peeqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Justus Hansen, Demokraatit)

Inatsisartut UKA18-mi ataatimiinnissaannut siunnersuummut matumunnga assingusumik siunnersuuteqarpunga. Naalackersuisulli assingusumik siunnersuuteqarsimanagerat paasigakku siunnersuutigata tunuartinnikuuvata. Ajoraluartumilli UKA18-mi siunnersuutitik marluusut ataatimiititaliami suliarineqalereeraluartut, tassami partiinit amerlanernit akuersaarneqarlutik ataatimiititaliamut ingerlatinneqaraluartata, Naalackersuisut siunnersuutitik tunuartippaat.

Maannalu Justus Hansen-ip siunnersuuteqarneranut Naalackersuisut akissuteqarnerminni nalilersuisoqarnissaannik imalimmik siunnersuutip allannguutissaannik siunnersuuteqarput.

Inuit Ataqatigiinni pingaartumik inuussutissarsiutillit eqqarsaatigalugit akitsuutit annikillisaanissaq aqutissiuukkusupparput. Ukiuni nutaajunerusuni aalisarnermi qamuterallaat annertunerujartortumik atugaajartorput. Aammattaaq ATV-it, pingaartumik savaateqarfanni nunalerinermi aammattaaq atorreqarlualersimapput.

Qamuterallannut eqqussinermi akitsuut annertujaartoq pisisumit akilerneqartarpoq, kisiannili aqqusinermi angallannermi akitsuuteqanngillat. Tamannami aamma paasinarpoq.

ATV-it UTV-illu eqqunneqarnerminni aammattaaq annertugisassaannikkaluamik akitsuuteqarput. Taakkualu aamma aqqusinermi angallannermi akitsuutiligaapput. Tassalu ukiup affaanut 2277,00-inik akitsuusiiffigineqartarput. Nunatsinni ATV-it amerlanerpaartaat savaateqarfanni aqqusinerissaanngitsuni, ukiukkullu nivanneqarneq ajortuni atorreqarput. Taamaattumik Inuit Ataqatigiinni isumaqarluinnarpugut aqqusinermi angallannermi akitsuut (vægtafgift) peerneqartariaqaraluartoq, taamaanngippat annikisariaqartoq assersuutigalugu ukiup affaanut 1000,00 kr-inngorlugu.

Akitsuutit tamanut piivinneqarnissaat nalilersorluuqqunarpoq, tassami killeqanngiusattumik eqqussuilersinnaaneq mianersornartoqarat. Tassami ATV-it nunakkut angallatigiuminartorsuugaluarlutik nunamik aserortisorujussuusarmata mianersorfissaqarpugut.

Siunnersuut ataatimiititaliami oqaluuserilluarneqaqqullugu ingerlatipparput, neriulluta tamanut iluaqutaasussamik, pingaartumik namminersorlutik inuussutissarsiutilinnut, inerreqarumaartoq.

Qujanaq